

QUÆSTIO MEDICA.

Cardinalitiis disputationibus manè discutienda in Scholis Medicorum die Jovis decimaquarta Martii.

M. PAULO COURTOIS, Doctore Medico, & Professore Regio, Præside.

An sanis, & ægrotis benigna & simplicia alimenta, medicamenta?

MANET vita cursu, quem dedit Natura, facili à carceribus ad calcem peragenda (absint modò fortuita) quamdiu solida partium substantiæ confertus est humor primigenius, minime aquosus ac diffluens, sed aerius pinguis, & lentus; cum eoque societatem coit Nativus calor, ab elementis quidem ductus: at effectuum, agendique præstantia ipso cælesti potior: æternus futurus, si quantus ab initio, & similimus, continenter accedat: brevique extinguendus, nisi refectum is veniat, qui ab arce vitæ jugiter manans, collucensque membris, cuncta pervadit, ac vel in abdita ossium penetralia vim salutarem cum alimento diffundit. Planè dum plurimum pollet, nihil non efficit: tres unus corporis provincias, artisque præterea omnes regit, tuetur, ac recreat. Nec rarò ex derelictis morbis inopinatò fert palmam, tunc lenniscatam, ubi & funere elatos per se revocat ad vitæ officia.

QUò perpetuò vigeat, è re quidem est ut exercitatione, & vigiliis suscitetur, non dissipetur: somno, & quiete instauretur, non obtorpescat: vilibus escarum detrimentis foras se dantibus, lenis aura subeat, quæ, & ductâ ore animâ temperetur, non dissiletur: nec turbidis animi motibus repente exardescat, paulatimque carpentibus elidatur. At quoniam suâ licet indole fugax, lenti, quo detinetur, humoris prædator est assiduus, ad fariendam utriusque decessionem, opus est alimento, quod nulla res æquat, ut præmolli & mansueti partes suum magis, quàm semini debeant incrementum, robur, & perennitatem. Ne fatiscant rore hoc vitali defectæ, quotidie, ne semel quidem, fame sitique incitatur ad esculentâ ingerenda, & potulentis miscenda, mollienda, diluenda. Eorum porro delectus, ac modus summi sunt ad vitam momenti. Quantum alimentum ab alimento discrepet, indicio sunt quæ nitent corpora victum elegantem colentium; visusque horrida pressorum annonâ duriori: Nempe dum in membra se induit, suis ea qualitatibus imbuunt. Quamobrem anceps, coctu contrumax, quod agrè semigrat, promptèque putrescit, abdicandum: scdum idem, & acre, ne quam gerunt in sinu pravitate affricent. Aridum, & frigidum sensim minuunt corpus, quod uno amplificatur, florètque humido & blando, cæterorum Principe.

UT Crasso præstet liquidum, nihil refert tenue sit, ac fluat, si lixivii, muriæve instar, fervidum est, mordax, aut salsum; eò latius vastaturum, quò celerius occupavit omnia. Ejusmodi cibariis, uti generoso ac distillato vino, non parum de vitæ demenso detrahitur, ustis siccâ tabe præcordiis. At quàm illi sit amica mollities & dulcitas, fidem extorquet rerum Parens, quæ & in utero, quem finxit hominem liquidissimo sanguine, & in lucem emissum, uno alit augètque lacte, quod & annis, staturæque apponit. Ab ubere depulso, & abstemio, dum inest calor is humorisque suavis, vivida est sanitas, vix, nisi morbis ab ingluvie, violanda, pluribus, statim atque molliculus miscisque victus ejuratur. Ut discedas ab homine, clamne est tot monstra quæ cælar aqua; tot quas terra suo dorso sustinet belluas, quæque ab ea in cælum exeunt arbores, propter aquæ rivos lætiores, tantum facere corporis, quantum in se habent succi benignioris & vidi. Ne demum titillante gulâ epularum modus desideretur, impârque sit calor multiplicibus, plerumque & discordibus cibus unâ conficiendis, latrantem patulâ expectatione stomachum placet simplex atque parabilis, simul, & facili transformandus in sincerum sanguinem, expeditè mox recoquendum, & per venarum fistulas quoquo versus digerendum.

PAR ratio Medicamentorum, quorum alia tantum immutant corpus, quod etiam ad illuviem foras ejiciendam sollicitant cætera, inde d'cta purgantia. Inter prima, quæ à temperie media, in qua sanitas est, distantiissima, pestifera; quæ propiora, minimum: sed levia ab his coimpendia. Quin si morbi omnes ferè à sanguine, & calore nimio; plus ferrent opis sectæ venæ, cautæque vitæ lex. Sed sint ex usu aliqua, dum, ut olim, apta & simplicia. Quorum enim tot fuit potiones, tot præposteræ & luxuriôsæ compositiones, ex infinita Medicaminum æstuosorum, dissidentium, malignorumque farragine, & monstrosis venenatisque carnibus, suam scilicet feritatem unâ mixtione posituris? His tamen titulo solo cardiacis luduntur incalidi, quibus cum morborum, tum medicamentorum perhibentur remedia. A vanâ confusione reliquorum nec magneris modo; nec imperioso delectu, sed irritando purgantium, majora adhuc damna. Næ quando, quod caput est, domitus à Natura humor, seu feri lactis, seu copiosæ aquæ potu emotus, sæpe & sponte suâ per patentem corporis irrigui vias salutariter effluit, durus est, qui tot junctis frustra Pharmacis ingratisissimis multasiam torquet ægotantem. Neque hæc sola ab ipsis mala.

LONGE gravior strages ab infusis violentis Elleboro, Scammonio, Colocythide, Elaterio, Præcipitato, Sublimato, Arrhenico, & cognatis, quæ vel χαλκίτης; nisi lacerant, necant; labe saltem multant vix delenda. Suo quippe truci calore, suæque siccitate, sanguinem & spiritus incendunt, torrent viscera, perustos humores scdros impingunt, vique malicâ funatos venenant. Quid si ipsissimè revelati aliqui? Et impune ex alto defilière nonnulli, quibus erat scalæ copia. Eône periculosis dirè attentes, quod probatis pulchrè expleas; viribus, visceribusque integris, sine quibus ista mortifera. Rem secat intellecta purgatio, commune quidem Naturæ, & Pharmaci opus: At enim cum præcipuæ sint partes illius, quæ Causa efficiens; minores hujus, quod merum est instrumentum; Medicum exiit, qui cum morbo pugnat, absque Natura, ab omnibus quæ effrænate agunt, averissimâ. Malè geri quidquid summâ vi geritur, pridem visum Medicorum Anástiti, non semel rigidè vetanti plurimum & repente extrudere: imò illud inculcanti, *παρρη μάλλον* *ἐλθ.* Et quæso si Natura à singulis corporis sani partibus continuò purgamenta decerpit, separat, ac depellit, num cessatione torpebit, à purgante lacessita? ac non potius, ceu contra pondus palma, sic adversus hostem generosè confurget? Quem hæc fugiunt, is nondum artis tyrocinio exiit.

Ergo sanis, & ægrotis benigna & simplicia alimenta, medicamenta.

Proponerat Lutetiæ JOANNES-BAPTISTA DOYE Parisinus, Baccalaureus Medicus. A. R. S. H. 1686.

